

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

EKONOMIA GARAPENAREN ETA LURRALDE OREKAREN SAILA

Foru Gobernu Kontseiluaren 18/2019 Foru Dekretua, martxoaren 26koa. Onespena ematea abuztuaren 3ko 40/2018 Foru Dekretua aldatzeko, herrietako kanpo argiteriaren arloko ekin-tzetarako dirulaguntzak arautzen dituzten oinarriena, gastu arrunta eta karbono dioxidoaren isurketak gutxitzen laguntzearen, eta laguntza horien deialdiarena

Arabako Toki Erakundeen Aurrekontu Egonkortasuna eta Finantza Iraunkortasunari buruzko abenduaren 13ko 38/2013 Foru Arauaren bitartez ezarri zen finantza iraunkortasunaren printzipioa, eta hauxe da kontzeptu horren definizioa: defizitaren, zor publikoaren eta merkataritza zorraren berankortasun mugen barnean gaur egungo eta etorkizuneko gastu konpromisoak finantzatzeko gaitasuna, lege horretan, berankortasunari buruzko araubidean eta Europako araubidean ezarritakoarekin bat eginez.

Modu horretan, dirulaguntza hauen xede nagusia da argizatzearen arloko eskumena bene-tan egikaritzen duten administrazio publikoek, hau da, udalerrri eta kontzejuek, gastu arruntaren murrizketa lortzea, horrela ekonomia eta finantza jasangarritasunari lagunduz.

Era berean, eraginkortasun energetikoa gehitu nahi da ingurumen iraunkortasunari ekarpe-nak eginez, kontsumo elektrikoaren murrizketa eraginkorra sortzen den heinean.

Abuztuaren 3ko 40/2018 Foru Dekretuaren bidez, lehenengo deialdiaren oinarri orokorrak onetsi ziren. 2018ko abuztuaren 17an, ostiralarekin, argitaratu ziren ALHAOn.

Beraz, bidezkoa da deialdi zehatza onestea, zeinetan zehaztuko baitira erakunde onuradun posibleak eta dirulaguntza jaso dezaketek ekintzak, zenbatekoak eta banaketa irizpideak.

Horregatik, diputatu nagusiorde eta Ekonomia Garapenaren eta Lurralde Orekaren Saileko foru diputatuak proposatuta eta Foru Gobernu Kontseiluak gaur egindako bilkuran gaia aztertu ondoren, hauxe

XEDATZEN DUT

Lehena. Aldatzea hirugarren paragrafoa Ekonomia Garapenaren eta Lurralde Orekaren Sai-lak argiteria publikoaren eraginkortasun energetikorako dirulaguntzak emateko oinarri oroko-rrak jasotzen dituen abuztuaren 3ko 40/2018 Foru Dekretuan. Honela geratuko da idatzita:

“Deialdien aurrekontuaren jatorria kontuan hartuz, tokiko erakundeak Obra eta Zerbitzuei buruzko Foru Planaren aplikazio eremuaren barne egon beharko dira dirulaguntza hauek jasotzeko. Dena den, toki erakundeak ezin izango dira lehendik planaren onuradunak izan 2018-19 deialdian jarduketa gauzatu nahi den biztanlegune bererako eta helburu bererako. Hala ere, onuradun izan daitezke Obra eta Zerbitzuen Foru Planaren dirulaguntzen onuradunak izan badira baina beste ekintza baterako.”

Bigarrena. Lehiaketa aske bidez 500.000,00 euroko dirulaguntzak emateko deialdia onestea. Deialdi hori espedienteari lotuta dago eta Dekretu honen I. eranskina da.

Hirugarrena. Dirulaguntzak Arabako Foru Aldundiaren 2019rako luzatutako 2018ko aurrekon-tuko partida honen kontura emango dira: “10.2.98 1700 762.90.08 Energia aurrezpena argiteria publikoan”, 10-153 lerroa.

Laugarrena. Foru Dekretu hau ALHAOn argitaratzea.

Gasteiz, 2019ko martxoaren 26a

Diputatu nagusia

RAMIRO GONZÁLEZ VICENTE

Diputatu nagusiorde eta Ekonomia Garapenaren eta Lurralde Orekaren Saileko diputatua

MARÍA PILAR GARCÍA DE SALAZAR OLANO

Lurralde Orekaren zuzendaria

IÑAKI GUILLERNA SAENZ

I. ERANSKINA

Kanpoko tokiko argiteria sektorearen ekintzetan korrante gastuak eta karbono dioxido emisioak murrizteko dirulaguntzak emateko deialdia araubide askean

1. Deialdiaren helburua

Dirulaguntza emango zaie kanpoko argiteriaren alorrean murrizketa eta eraginkortasun ekonomikoa, finantzarioa eta energetikoa lortzeko proiektuen egikaritzeari, aurrezpen garbia hobetzeko ekarpenak egiten dituztenei eta azken energiaren kontsumoa gutxitzen dutenei, oinarri orokorretarako eta deialdi honetarako ezarritako betekizunekin bat eginez.

2. Erakunde onuradunek bete beharreko baldintzak

Erakunde onuradunak izan ahalko dira Arabako Lurralde Historikoko udalerrri eta kontzejuak eta argiteria publikoko zerbitzua ematen duten udalerrriak.

Edonola ere, 1.500 biztanle baino gutxiagoko eremuentzat eskatu ahal izango da dirulaguntza.

Ezin dira onuradun izan Dirulaguntzen azaroaren 17ko 38/2003 Lege Orokorrak IV. tituluan adierazitako arau-hausteren bat dela-eta zehatu diren erakunde edo pertsonak, ez eta emakumeen eta gizonen berdintasunerako Eusko Legebiltzarraren otsailaren 18ko 4/2005 Legeak, eta Emakumeen eta gizonen berdintasun eraginkorrerako martxoaren 22ko 3/2007 Lege Organikoak jasotako kasuetan sartuta daudenak ere.

3. Dirulaguntzen hornidura eta zenbatekoa

Deialdiko dirulaguntzen programarako gehienezko hornidura 500.000,00 eurokoa da, eta Arabako Foru Aldundiaren 2019ra luzatutako 2018ko aurrekontuaren partida honen kontura izango da: Argiteria publikoaren aurrezpen energetikoa, 10.2.98 1700 762.90.08 partida.

Argi puntu bakoitzerako gehienezko aurrekontua 450,00 eurokoa izango da, BEZ barne.

Dirulaguntza jaso dezakeen aurrekontuaren ehuneko 90k jaso ahal izango du dirulaguntza, biztanlegune bakoitzerako gehienez ere 40.000,00 euroko kopurua egongo delarik.

Dirulaguntza jaso ahal izango duten proiektuek gutxienez hiru baldintza hauetatik bat bete beharko dute:

A) Proiektua ezartzean gutxienez ehuneko 30eko aurrezpen ekonomikoa egotea hasierako egoerarekin alderatuz argiteriako energia elektrikoaren gastuan.

B) Proiektua ezartzean jasota egotea argiteria mailen araubidea, gaueko ordutegi eta erre-pide mota ezberdinen arabera, bizilagunen beharretara egokituz.

C) Instalakuntzek Eraginkortasun energetikoko araubideak kanpoko argiteria instalakuntzei dagokienez zehazten duena betetzea.

4. Epeak eta eskariak aurkeztea

4.1. Eskaerak aurkezteko epea ALHAOn argitaratu eta hamabost egunera hasiko da eta epea irekita egongo da azaroaren 30era arte edo aurrekontu esleipena agortu arte. Aurrekontu esleipena bukatzen baldin bada, webgune honetan argitaratuko da: www.araba.eus.

Eskariak derrigorrez Arabako Foru Aldundiaren egoitza elektronikoan aurkeztu beharko dira eta azterketa tekniko, ekonomiko eta energetikoa ere aurkeztu beharko da. Bertan justifikatu beharko da deialdi honetako lehenengo puntuko baldintzak betetzen direla.

Aplikazioan dokumentazioa eta eskatutako datuak jaso ondoren eta laguntzaren eskaria eginda, aplikazioak eskariaren erregistro eguna eta orduaren ziurtagiria eta esleitutako espediente zenbakia emango ditu eta beraz, une horretatik aurrera, behin betiko eta ondorio guztietarako laguntza eskaria eginda eta erregistratuta geratuko da.

4.2. Eskaerak osorik bete ezean edo oinarri hauetan adierazitako agiriren bat falta izanez gero, interesdunari eskatuko zaio falta diren datuak eta agiriak aurkezteko hamar egun balioduneko epealdian, eta jakinaraziko zaio epealdi horretan agiri edo datu horiek aurkeztu ezean, eskaerari uko egin diola ulertuko dela eta eskaera artxibatuko dela.

Aurreko oinarrian ezartzen diren ondorioetarako, osorik ez dauden eskaerak ez aurkeztuzat joko dira eskaria erabat zuzendu arte.

4.3. Erakunde bakoitzak eskari bakarra aurkeztu ahal izango du, eta eskarian biztanlegune bat baino gehiago elkartu ahal izango dira.

5. Eskariarekin batera aurkeztu beharreko dokumentazioa

1. Dirulaguntza jaso dezakeen kontzepturako eskatutako edo emandako laguntzen ziurtagiria, edo hala badagokio, helburu bererako beste dirulaguntzarik eskatu edo jaso ez izanaren ziurtagiria. Horren barne egongo dira erakunde onuradunak aurretik helburu eta xede bererako jasotako dirulaguntzak, proiektu beraren fase edo alderdi ezberdinak izan arren.

2. Erakunde onuradunak Gizarte Segurantzarekiko kuoten ordainketak eta zerga betebeharrak egunean dituenaren erantzukizunpeko adierazpena.

3. Erakunde eskatzailea dirulaguntza publikoak jasotzeko debekuen barne ez dagoela adierazten duen erantzukizunpeko adierazpena.

4. Azterketa teknikoa, ekonomikoa eta energetikoa, deialdi honetan jasotako baldintzak betetzen direla justifikatzen duena.

6. Baliabideak banatzeko eta hainbanatzeko irizpide objektiboak

Laguntzak dirulaguntza eskarien aurkezpen ordenaren arabera esleituko dira, deialdiaren saldoa bukatu arte.

Lehenengo deialdian aurkeztu ziren baina aurrekontua agortu zelako kontuan hartu ezin izan ziren eskaerak aztertuko dira lehenbizi bigarren deialdi honetan, sartu zireneko hurrenkeraren arabera.

Zenbatekoak igo egin daitezke, lehenengo deialdian baxarik edo ukorik egon bada.

Oinarri arautzaileetan eta deialdi honetan xedatutakoa betetzen dela egiaztatzeko, eskariak honakoek osatutako organo kolegiatuak aztertuko ditu:

– Toki Administrazioaren Zerbitzuaren burua edo hark eskuordetzen duena.

– Toki Administrazioaren eta Administrazio Kudeaketaren Zerbitzuaren burua edo hark eskuordetzen duena.

– Tokiko administrazioiko teknikari letradua.

Batzorde horrek laguntza emateko proposamen txostenak idatziko ditu, eta gastuak baimendu, xedatu eta antolatzeke gaitutako organoak ebatzi egingo du, eskaera eman ez edo ukatuz, gehienez bost hilabeteko epean, eskaerak aurkezteko epea bukatu eta hurrengo egunetik aurrera.

Dirulaguntza emateko edo ukatzeko ebazpena eskatzaileei jakinaraziko zaie, eskaeran jasotako egoitzan, Administrazio publikoen administrazio prozedura erkidearen Legearen 42. artikuluan xedatutako moduen arabera.

Eskatzaileari ez zaio entzunaldi izapiderik aitortuko, eskatzaileek aurkeztutako gertaerak eta agiriak baino ez baitira kontuan hartuko ebazpenaren.

7. Jarduera egikaritzea eta erakunde onuradunaren betebeharrak

Arabako Foru Aldundiak emandako laguntza bakarrik kanpoko argiteria zerbitzua emateko obren edo horniduren kostuak finantzatzeko erabiliko da.

Gauzatzeko epea 6 hilabetekoa izango da, emakidaren ebazpenaren datatik aurrera.

Erakunde onuradunak jasotako dirulaguntzarekin lotura duen argiteria publikoko instalakuntzan edo kudeaketan sortutako gertakariak jakinarazi beharko ditu.

Erakunde onuradunak lortu beharko ditu beharrezko lizentziak edo baimenak.

Aldundiak programa honetan diruz lagundutako jarduketan legezketasuna egiaztatu ahal izango du, eta erakunde onuradunak ahalbidetu egin beharko ditu Aldundiak egin nahi dituen kontrolerako eta ikuskaritzarako jarduera guztiak. Kontrolak gauzaten direnean Aldundiarentzat eskuragarri egon beharreko agiriak hauek dira:

– Obren eta/edo ekipamenduaren gastu eta ordainketako ziurtagiri jatorrizkoak eta kopia konpulsatuak.

– Inbertsioarekin eta jarduera martxan jartzearekin lotutako bestelako beharrezko agiriak edo aurrekariak.

8. Dirulaguntzen ordainketa eta justifikazioa

Ordainketak izendunak, erakunde onuradun bakoitzarentzakoak, izango dira.

Dirulaguntzen ordainketa guztia erakundeak kontratua edo kontratuaren adjudikazio ebazpena, hala badagokio, eman ondoren egingo da.

Dirulaguntzen justifikazioa justifikatutako kontu sinplifikatua izango da, eta hauek osatuko dute:

1) Amaitutako instalazioaren ziurtagiriaren kopia, Tentsio Baxuko Araubide Elektroteknikoarekin bat eginez instalatzaile baimendunak sinatua eta dagokion Autonomia Erkidegoko erakunde eskumendunaren erregistratua.

2) Proiektuaren edo Diseinuaren Memoria Teknikoaren kopia, tituludun teknikari eskumendunak sinatuta edo instalatzaile baimendunak sinatuta, dagokion instalakuntza kategoriaren arabera, Kanpoko argiteria instalakuntzen eraginkortasun energetikoko araubideko ITC-EA-05 instrukzio teknikoan zehaztutakoaren arabera.

3) Proiektua egin duen teknikari tituludun eskumendunak sinatutako ziurtagiria edo horrelakorik ez baldin badago obra zuzendariak sinatutakoa, edo hala badagokio, egikaritutako jarduketaren diseinuko memoria teknikoa egin duen instalatzaile baimendunak sinatutakoa. Bertan adierazi beharko dira urteko kontsumo energetikoak, jarduketaren aurrekoak eta ondorengoak, eta azken energiaren aurrezpenaren justifikazioa.

4) Kanpoko argiteria instalakuntzen eraginkortasun energetikoko araubideko ITC-EA-01 instrukzio teknikoan zehaztutakoarekin bat eginez, instalakuntzaren etiketa energetikoaren kopia.

5) Jardueraren gastuen eta inbertsioen zerrenda sailkatu bat. Zerrendan identifikatu egin behar dira hartzekoduna, gastuen agiria edo ordainagiria, zenbatekoa, jaulkipen data eta, hala badagokio, ordainketaren data. Honako hauek aurkeztu beharko dira: fakturak edo jatorrizko agiri baliokideak edo fotokopia konpultsatuak eta 1.000,00 euro baino gehiagoko gastuen ordainketa ziurtagiriak.

6) Diruz lagundutako jarduera finantzatu duten bestelako dirusarrera eta dirulaguntzen xehetasunak, zenbatekoa eta jatorria adierazita.

7) Hala badagokio, itzulketaren ordain gutuna, aplikatu ez diren gerakinen kasuan; bai eta horietatik eratorritako interesena ere.

Justifikatzeko epea 7 hilabetekoa izango da, emakidaren ebazpenaren datatik aurrera.

Organo emaileak laginketa tekniken bidez egiaztatuko du gastu eta ordainketa ziurtagirien ehuneko 10, eta hala, ehuneko hori gehitu ahal izango da egiaztagiriz biztanle guztietara arte, gertaera esanguratsuak gertatu baldin badira.

9. Dirulaguntza galtzea

Onuradunek galdu egin ahalko dituzte deialdi honetan emandako dirulaguntzak, aldez aurretik espediente hasita, Arabako Lurralde Historikoko dirulaguntzei buruzko 11/2016 Foru Arauak, eta Dirulaguntzen azaroaren 17ko 38/2003 Lege Orokorrek ezarritako kasuetan.

10. Proiektua berriz ere idaztea

Erakunde onuradunek, eskatutako argi guztientzako aurrekontu bitartekorik ez baldin badago, proiektua berriz ere idatzi ahal izango dute konpromisoak eta baldintzak eskuragarri dagoen zenbatekora egokitzeko, betiere dirulaguntzaren xedea, baldintzak eta helburua errespetatuz.

11. Publizitatea

Deialdi hau ALHAOn argitaratuko da.

12. Azken klausula

Oinarri orokorretan eta deialdi honetan xedatuta ez dagoen guztia Arabako Lurralde Historikoko dirulaguntzei buruzko 11/2016 Foru Arauak eta Dirulaguntzen azaroaren 17ko 38/2003 Lege Orokorrek arautuko dute, baita aplikagarriak diren gainerako arauak ere.